



| |
|--|
| REPUBLIKA E KOSOVËS - REPUBLIKA KOSOVA - REPUBLIC OF KOSOVA QEVERIA E KOSOVËS - VLADA KOSOVA - GOVERNMENT OF KOSOVO MINISTRIA E BUJQËSISË, PYLLTARISË DHE ZHVILLIMIT RURAL MINISTARSTVO POLJOPRIVREDE, ŠUMARSTVA I RURALNOG RAZVOJA MINISTRY OF AGRICULTURE, FORESTRY AND RURAL DEVELOPMENT Arkivi Qendror - Centralno Arhivo - Central Archive |
| Nr./Br./No. <u>4406</u> |
| Nr. i fq./Br. Str./No. pg. <u>57575</u> |
| Data/Datum/Date: <u>25.11.2024</u> |
| PRISHTINË PRISTINA PRISTINA |

Republika e Kosovës
Republika Kosova - Republic of Kosovo
Qeveria - Vlada - Government

Ministria e Bujqësisë, Pylltarisë dhe Zhvillimit Rural
Ministarstvo Poljoprivrede, Šumarstva i Ruralnog Razvoja
Ministry of Agriculture, Forestry and Rural Development

UDHËZIM ADMINISTRATIV (MBPZHR) NR. 04/2024¹
PËR SISTEMIN INFORMATIV PËR ÇMIMET E TREGUT

¹ Udhëzim Administrativ (MBPZHR) NR. 04/2024 për Sistemin Informativ për Çmimet e Tregut, i nënshkruar nga Ministri i Bujqësisë, Pylltarisë dhe Zhvillimit Rural me datë 28.10.2024

Ministri i Ministrisë së Bujqësisë, Pylltarisë dhe Zhvillimit Rural

Në mbështetje të nenit 37 paragrafi 4 të Ligjit Nr.08/L-072 për Bujqësi dhe Zhvillim Rural, (Gazeta Zyrtare e Republikës së Kosovës Nr. 8/29 Mars 2023), nenin 11 (paragrafi 1, nën paragrafi 1.5) të Ligjit Nr. 08/L-117 për Qeverinë e Republikës së Kosovës (Gazeta Zyrtare e Republikës së Kosovës Nr.34/18 Nëntor 2022), si dhe nenit 9 paragrafi 2 të Rregullores (QRK) Nr. 17/2024 e Punës së Qeverisë së Republikës së Kosovës (Gazeta Zyrtare Nr.04/206, dt. 21.05.2024),

Nxjerrë:

UDHËZIM ADMINISTRATIV (MBPZHR) NR. 04/2024 PËR SISTEMIN INFORMATIV PËR ÇMIMET E TREGUT

Neni 1 Qëllimi

Me këtë Udhëzim Administrativ përcaktohet mbledhja, përpunimi, analizimi dhe publikimi i të dhënave për çmimet e tregut dhe të fermës të cilat paraqesin mesataret vjetore të produkteve dhe inputeve bujqësore sipas kategorive dhe kohës së mbledhjes së të dhënave.

Neni 2 Fushëveprimi

Dispozitat e këtij Udhëzimit Administrativ janë të detyrueshme për mënyrën e grumbullimit, përpunimit, analizimit dhe publikimit të çmimeve të produkteve bujqësore të tregut, të fermës, inputeve dhe mekanizimit bujqësor nga tregjet përfaqësuese, duke u bazuar në planin e përgatitur nga njësia përgjegjëse.

Neni 3 Përkufizimet

1. Shprehjet e përdorura në këtë udhëzim administrativ kanë këto kuptime:

- 1.1. **“SIT”** – nënkupton Sistemi Informativ i Tregut;
- 1.2. **“Ministër”** – nënkupton Ministrin e Ministrisë së Bujqësisë, Pylltarisë dhe Zhvillimit Rural;
- 1.3. **“Ministria”** – nënkupton Ministrinë përgjegjëse për Bujqësi, Pylltari dhe Zhvillim Rural;
- 1.4. **“Njësia Përgjegjëse”** - nënkupton Departamentin përkatës për Analiza Ekonomike dhe Statistika Bujqësore;
- 1.5. **“Person”** – nënkupton personin fizik apo juridik;
- 1.6. **“Palë të interesit”** - nënkupton personat fizik apo juridik të cilët shfrytëzojnë informacionet për çmimet e tregut të produkteve bujqësore;
- 1.7. **“Çmimi i tregut”** – nënkupton çmimin aktual të tregut me të cilin një produkt mund të blihet ose shitet, i cili përcaktohet nga oferta dhe kërkesa;

1.8. **“Çmimi i fermës”** – nënkupton çmimin bazë të produktit të disponueshëm marrë nga ferma apo pika grumbulluese si çmim fillestar, duke përjashtuar çdo tarifë transporti ose dërgesë të faturuar veçmas;

1.9. **“ Inputet bujqësore”** - nënkupton burimet që përdoren për prodhimtari bujqësore në fermë siç janë: farat, plehrat, pesticidet, barnat veterinarë, pajisjet, ushqimi i kafshëve;

1.10. **“Mekanizmi bujqësor”** – nënkupton të gjitha makineritë dhe mjetet që përdoren në prodhimtarinë bujqësore;

1.11. **“Produktet bujqësore”** – nënkupton çdo prodhim bujqësor në të cilin ose nuk bëhet përpunim i mëtejshëm ose bëhet një përpunim, i cili nuk i ndryshon karakteristikat e tij thelbësore;

1.12. **“Pikat kontaktuese”** – nënkupton vendi ku mbledhen çmimet e produkteve bujqësore dhe inputeve dhe ato janë tregjet përfaqësuese;

Neni 4 **Njësia përgjegjëse**

1. Njësia përgjegjëse është njësi zbatuese në nivel vendi dhe detyrat kryesore të saj janë:

1.1. Menaxhimi administrativ dhe organizimi i aktiviteteve për zhvillimin e Sistemit Informativ të Tregut si dhe menaxhimi i përdorimit të bazës së të dhënave të Sistemit Informativ të Tregut;

1.2. Bashkëpunon me strukturat organizative dhe institucionet tjera përfshirë edhe ato jashtë MBPZHR-së, duke siguruar komunikim dhe koordinim ndërmjet të gjitha palëve të përfshira në procesin e realizimit të mbledhjes së çmimeve.

1.3. Komunikon me Komisionin Evropian - Drejtoria e Përgjithshme për Bujqësi dhe Zhvillim Rural të Bashkimit Evropian (DG Agri), për të përcjellë zhvillimet në lidhje me rregulloret dhe siguron zbatimin e tyre në praktikë.

1.4. Përgatitë planin për përzgjedhjen e pikave kontaktuese për mbledhjen e çmimeve të produkteve bujqësore dhe inputeve bujqësore.

1.5. Bënë publikimin e të dhënave.

1.6. Bënë sigurimin dhe ruajtjen e cilësisë së të dhënave.

Neni 5 **Mbledhja e të dhënave për Sistemin Informativ të Tregut**

1. Mbledhja e të dhënave bëhet në pikat kontaktuese të përzgjedhura bazuar në planin e përgatitur nga njësia përgjegjëse.

2. Përgjegjës për mbledhjen e të dhënave janë personat fizik apo juridik, publik apo privat.

3. Për realizimin e mbledhjes së të dhënave duhet të kryhen këto procese:

3.1. Përzgjedhja e pikave kontaktuese;

3.2. Mbledhja e të dhënave;

- 3.3. Pastrimi i të dhënave;
 - 3.4. Klasifikimi i të dhënave;
 - 3.5. Analizimi i të dhënave;
 - 3.6. Kodimi i njësive - specifikimi i produktit individual;
 - 3.7. Kontrolli dhe vërtetimi i të dhënave për publikim.
4. Përzgjedhja e fermerëve dhe pikave kontaktuese në tregje për marrjen e çmimeve të tregut, të fermës dhe inuteve bëhet në baza vullnetare.
 5. Sistemi Informativ i Tregut duhet të siguroj objektivitet, përfaqësueshmëri, neutralitet, konfidencialitet dhe shpejtësi.
 6. Plani kohor për mbledhjen e të dhënave bëhet në periudha mujore dhe vjetore.

Neni 6

Përpunimi dhe publikimi i të dhënave të Sistemit Informativ të Tregut

1. Përpunimi i të dhënave bëhet nga njësia përgjegjëse dhe personat fizik apo juridik.
2. Publikimi i të dhënave bëhet nga njësia përgjegjëse dhe personat fizik apo juridik.
3. Publikimi i të dhënave për çmimet e produkteve, inuteve dhe mekanizimit bujqësore raportohet në baza të mesatare vjetore.
4. Të dhënat e publikuara në ueb-faqe mund të përdoren nga palët e ndryshme të interesit.
5. Njësia përgjegjëse duhet të merr masat e nevojshme për monitorimin e metodologjisë së mbledhjes së të dhënave, cilësinë dhe afatet kohore.

Neni 7

Privatësia dhe siguria e të dhënave konfidenciale

1. Të dhënat individuale të grumbulluara mund të përdoren vetëm në përputhje me Ligjin përkatës për Mbrojtjen e të Dhënave Personale.
2. Njësia përgjegjëse duhet të merr masat e nevojshme për të garantuar konfidencialitetin e të dhënave dhe sigurinë e tyre.

Neni 8

Me hyrjen në fuqi të këtij udhëzimi administrativ shfuqizohet Udhëzimi Administrativ (MBPZHR) - Nr.16/2022 për Sistemin Informativ të Tregut, i dt. 14/12/2022.

Neni 9

Hyrja në fuqi

Ky Udhëzim Administrativ hyn në fuqi shtatë (7) ditë pas publikimit në Gazetën Zyrtare të Republikës së Kosovës.



Faton Peci

Ministër i Ministrisë së Bujqësisë, Pylltarisë dhe Zhvillimit Rural

22/11/2024